

Түркістан облысы, Түлкібас ауданы
"Зарина" бөбекжай бақшасы ЖШС



Тақырыбы: Тәуелсіздік тұғырым

Тәрбиеші: Тулепбергенова.Л

2024-2025ж

«Бекітемін» _____

«Зарина» бөбекжай бақпасы ЖШС

Директоры: Джалпарбекова Ж.Р.



Тәуелсіздік тұғырым

16 желтоқсан Қазақстан Республикасының Тәуелсіздік күніне арналған
«Тәуелсіздік тұғырым» атты ашық сабақ.

Мақсаты:

- 1) Балаларға тәуелсіз мемлекет туралы түсінік беру балалардың Отанға деген сүйспеншіліктерін арттыру. Қазақстан Республикасының мемлекеттік рәміздері: Елтаңба, ту, әнұран туралы білімдерін қалыптастыру. Отан туралы тақпақ. Мақал-мәтелді жатқа айтуға үйрету. Патриоттық сезімге баулу.
- 2) Балалардың тіл байлығын ой-өрісін, сөзді байланыстырып сөйлеу қабілетін дамыту.
- 3) Елімізді, жерімізді қадірлеуге, сүюге тәрбиелеу.

Тәрбиеші: Сәлеметсіздер ме құрметті қонақтар!

Барша халық таныған,

Біздің үміт тілекті.

Шырқалғанда әнұран,

Шаттық кернер жүректі.

- Әнұранды орындау.

Тәрбиеші: Балалар, біздің Отанымыз қалай аталады?

Балалар: Қазақстан республикасы.

Жүргізуші: Қазақстан қандай мемлекет?

Балалар: Қазақстан тәуелсіз, егеменді мемлекет.

Жүргізуші: Балалар, бүгін міне осы Тәуелсіздік мерекесі күні. Еліміздің тұңғыш елбасы кім?

Балалар: Нұрсұлтан Әбішұлы Назарбаев.

-Қазіргі президентіміз кім?

-Қасым –Жомарт Тоқаев Кемелұлы

Жүргізуші: Еліміздің елордасы қай қала?

Балалар: Астана.

Жақсы балалар.

16 желтоқсан-Қазақстан Республикасының тәуелсіздік күні.Қазақстандықтар бұл мерекені асыға күтеді,тойлайды.Бұл ең үлкен мерекелердің бірі.Тәуелсіздік деген сөз қандай мағынаны білдіреді.Тәуелсіздік-еркіндік,теңдік,егемендік деген мағынаны білдіреді.Қазақстан Жоғары кеңесі 1991 жылы 16 желтоқсанда Қазақстанды тәуелсіз мемлекет деп жариялады. Бұл күн — Қазақстан тарихында «Тәуелсіз Қазақстан Республикасының туған күні» деп алтын әріптермен жазылды. Бұл республиканың барлық халықтары үшін маңызды тарихи оқиға болды.



Тәрбиеші: Мұз жастанып азаматтық жолында,

Тәуелсіздік туы тұрды қолында.

Жеңіп шықты, бас имеді, қасарып

Сойыл таяқ ойнаса да жолында

Желтоқсан-ау, ұмтылмайсың жүректе

Ұрпақ өсер айналатын тірекке

Егемендік тиді міне еншіме

Желтоқсаным, жеткіздің ақ тілекке.

Біздің Отанымыз Қазақстан - тәуелсіз, егеменді мемлекет.

Тәуелсіздік үшін қаншама азаматтарымыз, ардақты ағаларымыз, ақылды жастарымыз ғұмырларын күреске арнап Тәуелсіздік жолында құрбан болған Ләззат, Сабира, Ербол, Қайрат есімді азаматтарымыздың рухына бас иіп

орнымыздан тұрып 1 минут еске алайық! Олардың аңсаған армандарымен
үміт тілектері бұл күнде толық жүзеге асты. Қазақ елі тәуелсіздігін алды.
Туымыз асқақтап желбіреп тұр.

Тәрбиеші: Бақытым Республикам Қазақстан

Көгінде ақ көгершін, қаздар ұшқан

Соған жетпес құшағы әлемнің де

Қыс болса бір шетінде жаз ауысқан.

Отан туралы тақпақтарымызды айтайық.

Нұрдаулет

Отанның қасиетті тілін сүйем,

Отанның қасиетті күнін сүйем.

Отан, Отан, Отан!

Бәрінен де биік екен!

Асу

Бейбіт таңдар арайлап атады,

Туған жерді аймалайды шапағы.

Байтақ елім-ұлы Қазақстаным!

Ең бақытты балалардың Отаны.

Ерболат

Қазақстан - азат елім,

Таңғажайып туған жерім.

Тек сен үшін мақтанамын,

Қазақстан – елім менің.

Астана арман қала,

Бағы бір жанған қала

Тұрасың жап-жас болып,

Мен үлкен болғанда да

Мариям

Көгінде күн нұрын төккен,

Жерінде гүл жұпар сепкен.

Неткен сұлу, неткен көркем!

Осы менің туған өлкем!

Аяла

Отан деген – атамекен

Отан деген – туған жер.

Отан – ана, Отан – үлкен.

Қазақстан – туған ел

Қазақстан Республикасында Мемлекеттік ту, Мемлекеттік елтаңба және Мемлекеттік әнұран мемлекеттік рәміздер болып табылады.

Қазақстан Республикасының Мемлекеттік туы — ортасында шұғылалы күн, оның астында қалықтап ұшқан қыран бейнеленген тік бұрышты көгілдір түсті мата. Тудың сабының тұсында ұлттық өрнек тік жолақ түрінде нақышталған. Күн, оның шұғыласы, қыран және ұлттық өрнек бейнесі алтын түстес. Қазақстан Республикасы Мемлекеттік туының авторы — Қазақстанның еңбек сіңірген өнер қайраткері Шәкен Ниязбеков.

Қазақстан Республикасы Мемлекеттік елтаңбасының авторлары — белгілі сәулетшілер Жандарбек Мәлібеков пен Шот-Аман Уәлиханов. Елтаңба — мемлекеттің басты рәміздерінің бірі.

Әнұран 2006 жылы 11 қаңтарда Мемлекет басшысының салтанатты ұлықтау рәсімінде орындалды. Музыкасы — композитор Шәмші Қалдаяқовтікі, сөзі — Жұмекен Нәжімеденов пен Нұрсұлтан Назарбаевтікі.



Тәрбиеші: Рәміздерім

Білу керек баладағы ең кіші

Әнұран, Ту, Елтаң ба

Рәміздерді жатқа білсін әр кісі.

- Балалар рәміздерімізді кім атап береді?

-Әнұран,Елтаңба,Ту

-Дұрыс айтасыңдар балалар? Ортаға рәміздер туралы тақпақтарын айтуға
Рамазан, Шамиль,Алина келе қойыңдар.

Рамазан.

Елтаңбасы елімнің,

Неткен әйбат әдемі.

Тұнығындай көңілдің,

Ортада аспан әлемі.

Жауһар

Құт береке шаңырақ,

Орын алған ол төрден.

Қанатты қос арғымақ,

Екі жақтан көмкерген.

Дильбар

Тәуелсіздік жолында,

Талай-талай тер тамған.

Билігім өз қолымда,

Еркіндігім - Елтаңбам

Тәрбиеші: Ал балалар туымыздың суретін алдарыңа беремін. Жақсылап бояп шығайықшы



-Жарайсыңдар балалар .Енді сергіту сәтін жасайық.

Сергіту сәті: «Бізге жақсы»

Қазақстанда біз тұрамыз

Әр-біреуімізде өз үйіміз бар

Жұмыс бар

Жолдастарымыз бар

Әке,шеше ж/е мен бар.

Тәрбиеші: Міне, балалар, бүгінгі таңда Қазақстан тәуелсіз мемлекет. Біздің өзіміздің туымыз, елтаңбамыз, әнұранымыз бар. Егеменді Қазақстан мемлекетіміз. Сендер Отанымыздың ұрпақтарысыңдар. Жақсы оқып,үлгілі, тәртіпті болыңдар. Өз елің мен жеріңді көркейтіп, қазақстанның намысын қорғайтын келешек ұрпақтың ақылшысы, тірегі сендер болмақсыңдар.

Тәрбиеші: Құрметті қонақтар,Тәуелсіздік мерекесі құтты болсын, еліміз– аман, жұртымыз тыныш болсын, еліміздің мықты азаматы болыңдар балалар.